

神僧傳卷第五

普明

畝六

釋普明本名法京。俗姓朱氏。會稽人。少小志操有異。有僧乞食。因勸云。郎子既有善性。可向天台山出家。其中有初依菩薩在彼說法。

畝六

遂以陳太建十四年踰山越澗來入天台。正值智者處坐說法。智者笑云。宿誓願力今得相遇。隨智者往荊州玉泉寺。每於泉側練苦專思。智者反路台峰令造大鍾。天台供養。注陵道俗競爲營造。當欲鑄時。盲人來看。明懸鑒機。知相不吉。果爾開模鍾便破缺。後還國清所住之房去水懸遠。房頭空地。純是磯石。仍懷念曰。若令此石出水。豈不快乎。言竟數日。石中泉溜周給。東西國清精舍隋高帝置立。明以講堂狹小。欲毀廣之。共頂禪師商量。

頂勸勿改。有括州都督周孝節。遙聞此事。即施杉柱。泛海送來。頂向赤城。感見明身長十餘丈。高出松林之上。翼從數十許人。語頂曰。兄勿苦諫。事願成。頂知神異。合掌對曰。不敢更諫。一依仁者。豎堂之日。感動山王。晨朝隱軫。狀若雷震。摧樹傾枝。闊百步許。自佛壘下。直到於寺。至于日沒。還返舊蹤。砰砰磕磕。勢若初至。又願共道俗造堂殿。金銅盧舍。那像。坐身丈六。時有一人。稱從漕溪村來。施金十一兩。用入像身。問其姓名。終不肯說。禮拜辭退。周訪彼村。無人識者。又比房侍者恒聞房內。共人語話。陰伺察視。不見別形。所聽言音。唯勸修善。既而化緣就畢。大漸時至。清晨呼諸弟子曰。夫人壽命不可常保。汝等宜知。便自脫新淨之衣著。故破者換衣。纔竟奄

然就滅。

玄光

釋玄光者海東熊州人也。少而穎悟往衡山見思大和尚後返錫江南屬本國舟艦附載離岸時綵雲亂目雅樂沸空絳節霓旌傳呼空中聲云天帝召海東玄光禪師。光拱手避讓唯見青衣前導少選入宮城。且非人間官府羽衛之設也。無非鱗介參雜鬼神或曰今日天帝降龍王宮請師說親證法門。吾曹水府蒙師利益既登寶殿次陟高臺如問而談略經七日然後王躬送別其船泛洋不進光復登船船人謂經半日而已。光歸熊州翁山卓錫結茅乃成梵刹厥後罔知攸往。

明達

釋明達姓康氏其先康居國人也童稚出家

嚴持齋戒年及具足行業彌峻脇不著席日無再飯外儀軌則內樹道因廣濟爲懷遊行在務以梁天監初來自西戎至于益郡時巴峽蠻夷鼓行抄劫州郡徵兵克期誅討達愍其將苦志存拯拔獨行詣賊登其堡壘慰喻招引未狎其情俄而風雨晦冥雷霆震擊群賊驚駭惻爾求哀達乃教具千燈祈誠三寶營辦始就。曷靈立霽山澤通氣天地開朗翕然望國並從王化遂使江路肅清往還無阻後因行役中路逢人縛豚在地聲作人語曰願上聖救我達即解衣贖而放之嘗於夜中索水洗足弟子如言而泥竟不脫重以湯洗如前不去乃自以水灌之其足便淨達曰此魚膏也更莫測其所從行至梓州牛頭山欲構浮屠及以精舍不訪材石直覓匠工道俗

皆怪其言于時三月水竭即下求木乃於水中得一長材正堪利柱長短合度僉用欣然仍引而豎焉至四月中涪水大溢木流駢江自泊村岸都無溜者達率合道俗通皆接取從橫山積創修堂宇架塔九層遠近併力一

時繕造役不逾時歛然成就而躬襲三衣並是麤布破便治補寒暑無革有時在定據于繩床赫然火起衆往撲滅唯覺清涼有沙門僧救者積患攀躋來從乞療達便授杖令行不移晷景驟步而返又布薩時身先衆坐因有偷者穿牆負物既出在外迷悶方所還來投寺遂喻而遣之天監十五年隨始興王還荊州冬十二月終於江陵

道舜

釋道舜未詳何許人靜處林泉庇道自隱言

宮舍笑談述清遠嘗止澤州羊頭山神農定藥之所結宇茅茨餘無蓄積日唯一食常坐卒歲感蛇鼠同居在繩床下各孚產育不相危惱又致虎來蹲踞其側便爲說法有人還住告虎令去或語之云明日人來汝不須至便如舜言虎便不現給侍之人與虎同住親如家犬曾莫之畏身著弊衲略無可採跣行林野不擇晨夕開皇初忽遊聚落說法化諸村民皆盛集受法獨不爲一女受戒告云汝當生牛中其相已現戒不收汝也業不定者爾乃相濟耳時有不信其言以爲惑衆咸有疑者舜欲決於衆議告衆曰必不信者試蹋汝牛尾業影必當不起即以足躡女裙後空地云是尾影其女依言趣起不得時衆驚信

請舜曰如何除此業報其女家積粟數萬石

既懼惡業一時頓捨舜並爲營福令其懺悔如此累作惡業便傾方爲受戒或依諸癟村受於癟供見有膿潰外流者皆口就而味之故六情無惡念或洗其衣服或淨其心業用爲已任情向欣然初無顰蹙後遊於林慮洪谷北四詣晉盤亭等諸山隱寺綜禪定業不測所終

道仙

釋道仙一名僧仙本康居國人初以遊賈爲業後值僧達禪師爲其說法遂沉寶船於江辭妻子投灌口竹林寺而出家焉初落髮日對衆誓曰不得道者不出此山即迦絕人蹤結宇巖曲禪學之侶相次屯焉每覽經卷始開見佛在其處無不哽咽我何不值但見遺文而仙挺卓不群野栖禽獸或有造問學方者皆答善權真符正則自初入定一坐則以

四五日爲恒准客到其門潛然即覺起共接晤若無人往端坐靜室寂若虛空有時預告明當有客至或及百千皆如其說曾無欠長故六梁始興王澹褰帷三蜀禮以師敬携至陝于時道館崇敞巾褐紛盛屬相呵斥甚寄憂心焉仙乃晏如曾無所屑一夕道士忽見東岡火發恐野火焚害仙也各執水器來救見仙方坐大火中猛焰洞然咸嘆火光神德道士李學祖等捨田造像寺塔歛成遠近歸信十室而九州刺史鄧陽王恢躬禮受法天監末始興王真感於梁泰寺造四天王像每六齋晨常設淨供仙後赴會四王頂上放五色光仙所執爐自然焰發太尉陸法和昔微賤日數載在山供仙給使僧有肆責者仙曰此乃三台貴公何緣辱罵時不測其後貴也和果

遂昇袞服。仙或勞疾見縹衣童子從青溪水

出枕盛妙藥跪而進服無幾便愈居山二十

八年復遊井絡化道大行時遭酷旱百姓請

祈仙即往龍穴以杖扣門數日衆生何爲嗜

睡如此語已登即玄雲四合大雨滂注民賴

斯澤咸來禱賽欽若天神有須舍利即爲祈

請應念即至如其所須隋蜀王秀作鎮岷絡

有聞王者尋遣追召全不承命王勃然動色

親領兵仗往彼擒之必若固縱可即加刃仙

聞兵至都無畏懼索僧伽黎披已端坐念佛

王達山足忽雲雨雜流雹雪崩下水涌滿川

藏軍無計事既窘迫乃遙歸懺禮因又天明

雨霽山路清夷得至仙所王躬盡敬便爲說

法重發信心乃還成都之靜衆寺厚禮崇

仰舉國恭敬號爲仙閣梨焉開皇年中返于

默六

六

山寺道路自淨山神前掃年百餘歲端坐而  
卒

### 法安

釋法安姓彭氏安定鶴孤人少出家在太白

山九隴精舍慕禪爲業麌食弊衣卒于終老

開皇中來至江都令通晉王時以其形質矬  
陋言笑輕舉並不爲通日到門首渝遣不去

試爲通之王聞召入相見如舊便住慧日寺

王所遊履必賚隨從及駕幸泰山時遇渴乏

四顧唯巖無由致水安以刀刺石引水崩注

用給帝王時大嗟之問何力耶答王力也及

從王入沙磧達于泥海中應遭變皆預避之

得無損敗後往泰山神通寺僧來請檀越安

爲達之王乃手書寺壁爲弘護也初與王入

谷安見一僧著弊衣乘白驥而來王問何人

安曰。斯朗公也。即創造神通故來迎引。及至寺中。又見一神狀甚偉大。在講堂上手憑鷁吻。下觀人衆。王又問之。答曰。此太白山神。從王者也。爾後諸奇不可廣錄。至十一年春。四方多難。無疾而終。所住春秋九十八。

智顥

卷六

七

釋智顥字德安。姓陳氏。潁川人也。母徐氏。夢香烟五彩。縈迴在懷。欲拂去之。聞人語曰。宿世因緣。寄託生道。福德自至。何以去之。又夢吞白鼠。如是再三。怪而卜之。師曰。白龍之兆也。及誕育之夜。室內洞明。信宿之間。其光乃止。忽有二僧扣門曰。善哉。見德所重。必出家矣。言訖而隱。年十八。投湘州果願寺沙門法縉而出家焉。一日因說禪門。用清心海語默。之際。每思林澤。乃夢巖崖萬重。雲日半垂。其

蒲爲席。更起屋舍。用以待之。顥往天台。既達彼山。與光相見。即陳賞要。光曰。大善知識。憶吾早年山上。搖手相喚。不乎。顥驚異焉。知通夢之有在也。又聞鍾聲滿谷。衆咸怪異。光曰。鍾是召集有緣。爾得住也。顥乃卜居勝地。是光所住之北。佛壘山南。螺溪之源處。既間敞易得。尋真地平。泉清。徘徊止宿。俄見三人。皂幘絳衣。執疏請云。可於此行道。顥後於寺北華頂峯獨靜。頭陀大風拔木。雷霆震吼。螭魅

千群一形百狀。吐火聲呼駭畏難陳。乃抑心安忍。湛然自失。又患身心煩痛。如被火燒。又見亡歿二親。枕頭膝上陳苦求哀。顚又依止法忍。不動如山。故使強軟兩緣所感。便滅。忽致西域神僧告曰。制敵勝怨。乃可爲勇。每夏

故六

入

常講淨名。忽見三道寶階從空而降。有數十

梵僧乘階而下。入堂禮拜。手擎香爐繞顚三匝。久之乃滅。於當陽縣玉泉山立精舍。勑給寺額。名爲一音。其地昔唯荒嶮。神獸蛇暴。創寺之後。快無憂患。是春亢旱。百姓咸謂神怒。顚到泉源。帥衆轉經。便感雲興雨注。虛謠自滅。晉王蕭妃疾苦。醫治無術。王遣開府柳顧言等致書請命。願救所疾。顚又率侶建齋七日。行金光明懺。至第六夕。忽降異鳥。飛入齋壇。宛轉而死。須臾飛去。又聞豕吟之聲。衆並

同矚。顚曰。此相現者。妃當愈矣。鳥死復蘇。表蓋棺還起。豕幽鳴顯。示齋福相乘。至于翌日。患果遂瘳。開皇十七年十一月二十四日。端坐如意而卒於天台山大石像前。春秋六十有七。

### 智廣

釋智廣姓王氏。初母將孕。夢入流浴。童子乘寶船來投。便覺有娠。及生長。敏而重行。染末爲壯士。後離俗從道學長生術。及值高僧授戒。爲佛弟子。德行動人。漸示潛迹。江陵張詮

故六

九

者。二世眼盲。曠曰。爾家塚內棺枕古井。移墳開犧。必獲禳焉。因即隨言。瞽者見道。請求剃落。衆咸憚之。便伐薪施僧。空閑靜慮。又言澗有古鍾。可掘出懸寺。仁州刺史謂爲詭惑。鞭背百下。無慘無破。便送出臺。拘在尚方。有力

者試以八尺械懸來捶膝傍觀謂言糜碎而曠容既無撓肉亦無痕獄吏云承居士能忍飢便絕食七日身色如故市衢見行驗獄猶有方信分身大定三年從人乞草履今夜當急行及三更合城火發四門出人不泄燒殺

七千曠在獄引囚二百安步而出年將不惑始蒙剃落進戒以後頭陀蛇弭床側每夕山隅四燈同照士俗雲赴巒成華寺有一宰鴨而爲齋者鴨神夜告便曰何有殺牲而充淨供自爾便斷曾度夏水徒侶數十欲住不可欲去無從前岸兩船無人將至曠笑而舉聲呼之船自截流直到遂因濟水誠以勿傳又於咸陽造佛迹寺有牛產犢出首還隱已過信次母將亡僧告曠知惻答曰此犢是寺居士侵用僧物今來償債其羞不出牛母無他

因執爐呵戒犢子疾當償報呵耻生乎應言便出神異冥徵不可備載以開皇二十年九月二十四日終于四望開聖寺自尅終期天香滿室合寺音樂西南而去

法充

釋法充姓畢氏九江人常誦法華并讀大品其徧難紀兼繕造寺宇情在住持未住廬山半頂化城寺修定自非僧事未嘗妄履每勸僧衆無以女人入寺上損佛化下墜俗謠然世以基業事重有不從者充歎曰生不值佛已以罪緣正教不行義須早死何慮方土不奉戒乎遂於此山香爐峯自投而下誓粉身骨用生淨土便於中虛頭忽倒上舟舟而下處于深谷不損一毛寺衆初不知也後有人上峯頂路望下千有餘仞聞人語聲就而尋

之乃是充也。身命猶存。口誦如故。迎還至寺。

僧感其死。諫爲斷女人經于六年。方乃卒世。時屬隆暑。而屍不臭。爛香如爛瓜。即開皇之末年矣。

慧偈

僧慧偈。曲阿人也。住蔣州大歸善寺。靈通幽顯。世莫識之。而翹敬尊像。事同真佛。每見立像不敢輒坐。勸人造像。唯作坐者。後往嶺南修禪法。大有悟解。住霞時。嘗往揚都謁偲。法師。偲與禮接之。將還山。偲請現神力。偈即從脰中出。臂解齊熙寺佛殿上額。因語偲云。世人無遠識。見多驚異。故吾所不爲耳。大業元年。終於大歸善寺。初偈終日。以三衣還衆。僧吾今死去。徒衆好住。便還房內。大衆驚起追之。乃見房中白骨一具。跏坐牀上。撼之鏘

然不散。

法喜

釋法喜。南海人也。形容寢陋。短弱迂踈。可年四十許。人嶺表者。老咸言。兒童時見識之。顏貌如今無異。蠻蜒但間相傳云。已三百歲矣。

亦自言舊識廬山遠法師。說晉宋朝事。歷歷如信宿前耳。平素時。悄然無語。語必含深意。吉凶之徵。有如影響。人亦不欲與喜相見。懼直言災惡。忤逆意也。陳朝馬靜。爲廣州刺史。方上任。喜直入州上廳事。畫地作馬頭形。以示其子而去。靜本名族。多武略。到州行部。從甲士數萬。旌旗劖戟。以威邊徼。其侈僭過度。被人誣告謀反。帝使臨汝侯按之。利其財產。擒而斬之。此畫地之明効也。喜之先見。皆此類。煬帝聞之。取來揚州。帝令宮內安置。于時

內造一堂新成。師忽昇堂觀看。因驚走下階。迴顧云。幾壓殺我。其日中夜。天大雨。堂崩。壓殺數十人。其後又於宮內環走索羊頭。帝聞而惡之。以爲狂言。命鏁著一室。數日三衛於市見喜坦率遊行。還奏云法喜在市。勅責所司檢驗。所禁之處門鎖如舊。守者亦云。師在室內。於是開戶入室。見袈裟覆一聚白骨。鎖在項骨之上。以狀奏聞。勅遣長史王恒驗之。皆然。帝由是始信非常人也。勅令勿驚動。至日暮。師還室內。或語。或笑。守門奏聞。勅所司脫鎖放師出外隨意所適。其後帝遇弑於江都。方悟索羊頭之驗。有時一日之中。凡數十處齋供。師皆赴會。在在見之。其間亦飲酒啖肉。俄而見身有疾。常卧床去薦席。令人於床下鋪炭火。甚熱。數日而命終。火炙半身。皆焦

爛。葬於香山寺。至大業四年。南海郡奏云。法喜師見還在郡。勅遣開棺視之。則無所有。

普安

釋普安。姓郭氏。京兆涇陽人。小年依圓禪師出家。苦節頭陀。晚投萬法師。通明三藏。常業華嚴。誦讀禪思。准爲標擬。周氏滅法。栖隱于終南山之梗梓谷。時有重募。捉獲一僧。賞物十段。有人應募來。欲執安即慰喻曰。觀卿貧煎。當欲相給。爲設食已。俱共入京。帝語此人曰。我國法急。不許道人民間。你復助急不許道人山中。若爾。遣他何處得活。宜放入山。不須檢校。於是釋然。復歸隋文創曆佛教大興。廣募遺僧。依舊安置。時梗梓一谷三十餘僧。應詔出家。並住官寺。唯安依本山居守素林。疊時行村聚。惠益生靈。未有人於子午虎林。

兩谷合澗之側。鑿龕結庵而住之。初止龕日。上有大石。正當其上。恐落掘出。遂峻崩下。安自念曰。願移餘處。莫碎龕窟石。遂依言。避餘所。大衆共怪。安曰。華嚴力也。未足異之。又龕東石壁澗左有索陀者。川鄉巨害。縱橫非一。陰嫉安德。恒思誅殄與伴三人。持弓挾刃。攘臂挽強。將欲放箭。箭不離弦。手張不息。努眼舌噤。立住經宿。聲相通震。遠近雲會。鄉人稽首歸誠。請救安。安曰。素了不知。豈非華嚴力也。若欲除免。但令懺悔。如語教之。方蒙解脫。又龕西魏村張暉者。夙興惡念。以盜爲業。夜往安所。私取佛油。受五升。背負而出。既至院門。迷昏失性。若有所縛。不能動轉。眷屬鄉村同來爲謝。安曰。余不知。蓋華嚴力乎。語令懺悔。扶取油。如語得脫。又龕南張卿者。

故六

十三

來盜安錢。袖中持去。既達家內。寫而不出。口噤無言。即尋歸懺。復道而返。有程郭村程暉和者。頗懷信向。恒來安所。聽受法要。因患身死。已經兩宿。纏屍於地。伺欲棺殮。安時先往鄂縣。返還在道。行達西南之德。行寺東去。暉村五里。遙喚程暉和。何爲不見迎耶。連喚不已。田人告曰。和久死矣。無由迎也。安曰。斯乃浪語。吾不信也。尋至其村。厲聲大喚。和遂動身。旁親乃割所纏繩。令斷安入其庭。又大喚之。和即僵起。匍匐就安。令屏除棺器。覆一笪。笪以當佛座。令和繞旋。尋復如故。更壽二十許歲。後遇重病。來投乞救。安曰。放爾遊蕩。非吾知也。便遂命終。昆明池北白村老母者。病卧床枕。失音百日。指撫男女。思見安形。會其母意。請來至宅。病母既見。不覺下迎。言問起。

居庵同常日遂失病所在。于時聲名更振。村聚齊集。各率音樂巡家。告令欲設大齋大坊。村中田遺生者家徒壁立。而有四女妻著弊布。齊膝而已。四女赤露。大女名華嚴。年已二十。惟有麤布二尺。擬充布施。安引村衆次至其門。愍斯貧苦。遂度不入。大女思念。由我負煎。不及福會。今又不修。當來倍此。周徧求物。聞爾無從。仰面悲號。遂見屋甍一把。亂床達音。用塞明孔。挽取抖揀。得穀十餘升。以成米升。將前布擬。用隨喜。身既無衣。待至夜暗。翦罰而行。趣齋供所。以前施物。遙擲衆中。十餘粒米。別奉炊飯。因發願曰。女人窮業。久自種得竭。貧行施用。希來報。輒以十餘黃米。投飯甌中。必若至誠。貧業盡者。當願所炊之飯。變成黃色。如無所感。命也柰何。作此誓已。掩淚而

返。於是甌中五石米飯。並成黃色。大眾驚嗟。未知所以。周尋緣構。乃云田遺生女之願力也。齋會齊率。獲粟十斛。尋用濟之。安辦法衣。仍度華嚴。送入京寺。嘗於龕側村中。縛猪三頭。將加烹宰。安聞往贖。社人恐不得殺。增長索錢十千。安曰。貧道見有三千。已加本價十倍。可以相與。衆各不同。更相忿競。忽有小兒裹腹來至。社會助安贖猪。既已諍競。因從乞酒。行飲行舞。焜煌旋轉。合社老少。眼並失明。須臾自隱。不知所在。安即引刀自割。腔肉曰。此彼俱肉耳。猪食糞穢。爾噉之。況人食米。理足貴也。社人聞見。一時同放猪。既得脫繞。安三市以鼻喙觸。若有愛敬。故使郊之南西五十里內。雞猪絕嗣。乃至于今。其感發慈善。皆此類也。以大業五年十一月五日。終於靜法。

禪院春秋八十

道英

釋道英姓陳氏蒲州猗氏人也。幼從叔休律師出家。至并州依炬法師學道。後入禪定。稍呈異迹。大業中嘗任直歲。與俗爭地。遽鬪不息。便語彼云。吾其死矣。忽然倒仆如死之僵。諸俗同評。道人多詐以針刺甲。雖深不動氣絕。色變將欲洪胖。傍有智者令其歸命。誓不敢爭願還生也。尋言起坐。語笑如常。又行龍臺澤池側。見魚之遊。乃曰。吾與汝共爭我何者爲勝。汝不及我。我可不及汝耶。即脫衣入水。弟子持衣守之。經十六宿。比出告曰。雖在水中。唯弊土坌我耳。又屬嚴冬。冰厚雪壯。乃曰。如此平淨之處。何得不眠。遂脫衣仰卧。經于三宿。乃起而言曰。幾被火炙殺我。晚還蒲

州住普救寺。晝則厲衆僧勤事。夜則跏坐。爲說禪觀。時或弊其勞者。聞法不覺其疲。一日知滅想。即而任之。經于累宿。方從定起。時河東道遜高世名僧。素與同學。及遜捨命去。英百五十里未及相報。終夕便知其死。其知微通感如此。及終前夕。集衆告曰。早須收積明日間多聚人畜。損食穀草。衆不測其言。英亦自運催促甚急。至夜都了。索水剃洗還本坐處。被以大衣。奄然神逝。

法進

釋法進。不知氏族。住益州綿竹縣響應山玉女寺。爲輝禪師弟子。後於定法師所受十戒。恭謹精誠。謙恪爲務。唯業坐禪寺後竹林。常於彼坐。有四老虎繞於左右。師語勿泄其相。

也後教水觀家人取柴見繩床上有好清水。拾兩白石安著水中。進暮還寺彌覺背痛。問其家人云安石子語今明往可除此石。及旦進禪家人還見如初。清水即除石子所苦便愈。因爾習定不出此山。開皇中蜀王秀臨益

十六

州妃患心腹諸治不損。有綿州昌隆白崖山道士文普善者能昇刀焚火鵠鳴山有二道士能呼策鬼神符印章醮入水不溺。並來同治都無有効。乃使長史張英等往山請出爲妃治病。報曰吾在山住向八十年與木同性徐更苦。邀進答曰盡命於此可自早還。信返具報王使六司官人犧車四乘將從百人重往迎請。進曰王雖貴勝命有所屬執志如初。信還王大怒自入山將手加罪既至山寺禮佛見進不覺身戰汗流。王曰奉請禪師爲妃。

治病禪師慈悲願救此苦。答曰殺羊食心豈不苦痛。一切衆生皆是佛子何因於妃偏生此愛。王慙愧懺悔仍請出山。乃曰王命既重不可不行。王自先行貧道生不乘騎當可後去。王曰弟子步從與師同行。報曰出家人與俗異但前行應同到。王行兩日方至。進一旦便達徑入妃堂。妃見進流汗因爾除差施綃五百段納衣袈裟什物等進令王妃以水盥手執物呪願總用迴入法聚寺基業即辭還山。王與妃見進足離地可四五寸以大業十三年正月八日終此山中龍吟猿叫三日乃已。

僧朗

釋僧朗一名法朗俗姓許氏南陽人。年二十餘欣欲出家尋預剃落栖止無定多住郢州。

廿六

十七

飲噉同俗爲時共輕常養一猴一犬其狀偉  
大皆黃赤色不狎餘人唯附於朗日夕相隨。  
未曾捨離若至食時以木盂受食朗噉飽已。  
餘者用銅之既同器食訖猴便取盂戴之騎  
犬背上先朗而行人有奪者輒爲所咋。朗任  
犬盤遊略無常度陳末隋初行於江嶺之表。  
章服麤弊威儀越序杖策徒步護養生命時  
復讀誦諸經偏以法華爲志素乏聲弄清靡  
不豐乃潔誦之一坐七偏如是不久聲如雷  
動知福力之可階也其誦必以七數爲期乃  
至七十七百七千逮于七萬聲韻諧暢任縱  
而起其類筆笛隨發明了故所誦經時傍人  
觀者視聽皆失朗唇吻不動而轉起咽喉遠  
近亮徹因以著名然臂脚及手伸縮任懷有

若龜藏時若肉聚或住酒席同諸讌飲而嚼

故六

噍豬肉不測其來故世語曰法華朗五處俱  
時縮豬肉滿口顙或復巡江洄泝換手舟中。  
猴犬在傍都無艤棹隨意所往雖陵犯風波  
瞬息之間便達所在有比丘尼爲鬼所著超  
悟玄解說辯經文居宗講導聽採雲合皆不  
測也莫不讚其聰悟朗聞曰此邪鬼所加何  
有正理須後檢校他日清旦猴犬前行徑至  
尼寺朗往到禮佛繞塔至講堂前尼猶講說  
朗乃厲聲呵曰小婢吾今既來何不下座此  
尼承聲崩下走出堂前立對於朗從卯至申。  
卓不移處通汗流地默無言說問其慧解奄  
若聾癡百日已後方復本性其降行感通皆  
此類也大業末卒

惠祥

釋惠祥姓周氏十五出家頭陀乞食默自禪

誦不與衆同。年十九染患三月。救療無徵。夜中宴坐歎曰。大丈夫本欲以身從道於末法中推伏非法。如何此志未從。爲病所困。將曉有一人長丈餘。謂曰。但誦涅槃。無愁不差。至旦即誦。三日便瘳。大業末夏。中因食口中得

舍利。不辨棄地。輒還在口。如是數四。疑是真

身砧槌不碎。遂聲鍾告衆。白黑咸集。祥涕泣  
焚香願降威力。須臾放五色光。異香徧郭。衆  
覩希有。體貌肥白。可長八尺。有餘行路不識。  
莫不怪仰。刺史李昇明至寺。怪異。謂群官曰。

此道人膚容若此。日可應噉一羊。語訖。覺手足不隨。乘馬失御。諸官以實告之。便悔謝還復。大使權茂行至鄧州。又怪昇明曰。此大德非凡。具說往緣。茂不信。請將七日。試以麤食。而膚色更悅。茂愧伏悔。先不信之罪。將終手

執經胡跪。謂弟子曰。吾今逝矣。汝好住持。無令絕滅。又感異香盈郭。以大業末年八月卒春秋七十。氣命雖絕。而胡跪執經如初。遠近奔赴見其卓然。無不歎訝。

無相

涪州相忠寺無相禪師者。非巴蜀人。不知何來。忽至山寺隨衆而已。不異恒人。其寺在涪州上流。大江水北崖側。有銘方五尺。許字如掌。太都不可識。下有佛迹。相去九尺。長三尺。許蹈石如泥。道俗敬重。相以一時渡水齊返。無船。乃鉢安水中。曰。何爲常擎汝。汝可自渡。水便取芭蕉搭水立上而渡。鉢隨後來。須臾達岸。時採樵者見之。相語覺知。已便辭去。徒衆苦留不住。至水入船。諸人禮請。不與篙櫓。乃捉船舷。直爾渡水。不顧而去。即令尋逐。莫

測所在。

明恭

釋明恭住鄭州會善寺。其力若神。嘗山行見虎猪交鬪。猪漸不如。恭語虎曰：「可放令去。」虎不肯。恭以一手捉頭一手撮尾敵六擲之山下。又子以僧衣置礎下。僧怪之。恭笑爲捧柱取衣。大業末。賊起抄掠。今其寺辨數十人大猪食具。恭延賊食。賊讓恭先。恭乃鋪餅數十。安猪啖之。須臾食盡。賊衆驚伏。恭召爲護寺檀越。群賊許之。故隋唐交軍其境。絕賊往來恭之力也。

曇詢

釋曇詢姓楊氏。弘農華陰人。後遷宅于河東郡。焉年二十二方捨俗事。遠訪巖隱。遊至白鹿山北林落泉寺。逢曇淮禪師而蒙剃髮。後

經三夏移住鹿土谷修禪。屬枯泉重出鹿麋繞院。故得美水馴獸。日濟道隣。從學之徒相慶茲瑞。時因請法。暫往雲門。值徑陰霧昏便成失道。賴山神示路。方會本途。時有盜來竊蔬菜。將欲出園。乃爲群蜂所螫。音試詢聞來救慈心。將治得全餘命。嘗有趙人遠至。慇懃致禮。陳云因病死復蘇。得見閻王詰問罪當就獄。賴有曇詢禪師來爲請命。王因放免。特來禮謝。又山行值二虎相鬪。累時不歇。詢乃執錫分之。以身爲翳。語云同居林藪。計無大乖。幸各分路。虎低頭受命。便飲氣而散。屢逢熊虎交諍。事略同此。而或廓居榛梗。唯詢一蹤入鳥不亂獸。見如偶。每入禪定。七日爲期。白虎入房。仍爲窟宅。獨處靜院。不出十年。自有禪蹤。斯人罕擬。初遘疾彌留。忽有神光照燭。

香風拂扇又感異鳥白頸赤身繞院空飛聲  
嘆哀切氣至大漸鳥住堂基自後狎附不畏  
人物或在房門至于卧席悲叫逾甚血沸眼  
中既爾往化鳥便飛出外空旋轉奄然翔逝  
又感猛虎繞院悲吼兩宵雲昏三日天地結  
慘又加山崩石墜林摧澗塞驚發人畜栖遑  
失據其哀感靈祥未可殫記後以武德五年  
十二月弟子靜休道願慧方等乃闍毗餘質  
建塔立碑焉

共仰一人活耳高祖嘉其言又云貧道頗習  
易以卦之象明夷之兆按易曰巽在牀下紛  
若無咎而早吉晚凶斯固體大不可以小小  
則敗大則濟可作大事以濟群生無往不亨  
乃必成乎高祖動容曰雖蒙善誘未敢當仁  
師聘太宗曰郎君與大人並叶兆夢是謂幹  
父之蠱考用無咎天理人事昭然可知不可  
固拒天之與也天與不取必受其咎無乃不  
可乎高祖拜而謝曰弟子何幸再煩鄭重叮  
寧之意敢不敬從滿後不知所終

智滿

釋智滿者俗姓賈氏不知何許人也戒行高

潔居于安樂寺時唐太宗在晉陽與劉文靖  
首謀之夜高祖夢墮牀下又見偏身爲蟲蛆  
所食意甚惡之諮詢於滿滿曰此可拜賀也  
夫牀下者所謂陛下也群蛆食者所謂群生

智晞

款六

辛二

釋智晞俗姓陳氏潁川人年二十始獲從願  
一得奉值即定師資律儀具足稟受禪訣加  
修寂定常居佛隴修禪道場樂三昧者咸共  
歸仰宴坐之暇時復指搆創造伽藍殿堂房

舍悉皆嚴整。唯經臺未構。始欲僦工有香爐。  
峯山巖峻。嶮林木秀異。然彼神祇巨有靈驗。  
自古已來無敢視其峯崖。況有登踐而採伐者。  
時衆議曰：今既營經臺供養法寶。唯尚精華。  
豈可率爾而已？其香爐峯檉栢木中精勝。  
可共取之以充供養。論詳既訖。往諮於晞具。  
陳上事良久。答云：山神護惜不可造次。無敢重言。  
各還所在。爾夜夢人送疏云：香爐峯檉栢樹盡皆捨給經臺。時有僧法雲欲往香爐峯頭陀睇諫曰：彼山神剛強。鄉道力微弱。向彼必不得安慎。勿往也。雲不納旨。遂往到山。  
不盈二宿。神即現形驅雲令還。自陳其事。方憶前旨。深生敬仰。有弟子道亘在房誦經。自往喚云：今晚當有僧來。竟仍向門下。即見一僧純著衲衣。執錫持鉢。形神爽俊。有異常。

故六

人從外而來。相去二十餘步。纔入路東。隱而不現。俄頃之間。即聞東山有鍾鼓聲。大音震谷。便云：噫喚吾也。未終數日。語弟子云：吾命無幾。可作香湯洗浴適竟。山中鳥獸異色殊形。常所不見者。並皆來集房側。履地騰空。悲鳴喚呼。經日方散。以貞觀元年十二月十八日午時。結跏安坐。端直儼然。氣息綿微。如入禪定。因而不返。時虛空中有絃管聲合。衆皆聞。良久乃息。經停數日。方入石龕。顏色敷悅。手足柔軟。不異生平。春秋七十有二。

### 惠主

釋惠主。俗姓賈氏。始州永歸縣人。六歲出家爲斌法師弟子。於黃安縣造寺七所。梓潼縣造十寺。武連縣造三寺。初年登冠。欲受具足。當境無人。乃入京選德。於甘露寺受戒。唯聽

四分餘義傍通。夢見三日三夜天地闇冥。衆生無眼過此。忽明眼還明淨。覺已汙流。一百日後周毀經道。方知徵應。即返故鄉南山藏伏。唯食松葉異類禽獸同集。無聲或有山神送伏苓甘松香來。獲此供養。六時行道禽獸隨行禮佛誦經。似如聽仰。仍爲幽顯受菩薩戒。後有獮猴群共治道。主曰汝性躁擾。作此何爲。曰時君異也。佛日通也。深怪其言。尋爾更有異祥。龍飛獸集。香氣充山。其類衆矣。後有八人採弓材者。甚大驚駭。便慰主曰聖君出世時號開皇矣。即將出山。以事奏聞。蒙預

中取錫杖三衣出歎曰死活今日矣。舉杖向驢驃。一時倒仆如死。兩手各擎一駄。擲棄坑中。州縣官人驚怖。執主狀申陵陽大喜。一無所怪。書曰弟子數病不逢害鬼。蒙得律師破慳貪穢。染爲大利。今附沉香十斤。細綾十段。仰贈。後還京日。從受菩薩戒焉。貞觀三年寺有明禪師者。清卓不群。首日獨坐。見無半身向衆述曰吾與律師建立此寺。兩人同心。忽失半身。將不律師先去。不者明其死矣。尋爾午時。主便無疾而逝。春秋八十九。

明淨

缺六

二十四

釋明淨。高密人。少出家。味定爲業。後南遊東越天台諸山。禪觀在懷。無緣世習。而衣服縊縷。動止適時。同侶禪徒。未之弘仰。山粒致絕。日至村中。每從乞食。賚還中路。值於群虎皆

張口閉目若有飢相淨曰吾經行山澤多矣虎兕無心畏之今列于路傍豈非爲食耶乃以匙抄飯內其口中餘者對而敢盡告曰知來食少輒濟自他殊不副懷深用多愧明日乞食虎又如前嘗值亢旱苗稼並枯涙祀之

流妄祈邀請雖加懇惻終不能致淨曰可罷

諸邪禱吾獨能降遂結齋靜室七日平旦雲布雨施萬下滂注百姓利焉貞觀三年冬至于四年夏六月無雨天子下詔岳瀆諸廟普令雩祭於時萬里赫然全無有應有潘侍郎者曾任密州知淨能感以狀奏聞勅召至京令住祈雨告以所須一無損費唯願靜念三寶慈濟四生七日之後必降甘澤乃於莊嚴寺靜房禪默至七日向曉問守衛者曰天之西北應有白虹可試觀之尋聲便見淨曰雨

必至矣須臾雲合驟雨忽零比至日晡海內通洽遂以有年勅乃總度三千僧用酌淨德其徵應難思厥相叵測但以京輦道襍性不狎之請還本鄉之義勝寺山居繼業竟不測其存沒云

### 智璪

釋智璪俗姓張氏清河人年二十二親俱逝慘服纔釋便染疾病經歲月醫藥無効仍於靜夜策杖曳疾出中庭向月而卧至心專念月光菩薩唯願大悲濟我沉疴如是繫念遂經旬朔於中夜間忽夢見一人形色非常從東方來謂璪曰我今故來爲汝治病即以口就璪身次第吸嗽音三夜如此因爾稍痊遂求離俗投安靜寺慧憑法師以爲弟子聞智者軌行超群爲世良導即泛舸豐流直指台

岫伏膺受道乃遣行法華懺悔第二七日初夜訖訖還就禪床始欲安坐仍見九頭龍從地湧出上昇虛空明旦諮白者云此是表九

訖六

二六

道衆生聞法華經將來之世破無明地入法

性空爾陳至德四年永陽王伯智作牧仙都

訖六

延屈智者來于鎮所璪隨師受請同赴會稽

山九旬坐訖仍即辭王住寶林山寺行法華三昧初日初夜如有人來搖動戶扇璪問之汝是何人夜來搖戶即長聲答云我來看燈爾頗經數過問答如前其寺內先有大德慧成禪師夜具聞之謂弟子曰彼堂內從來有

大惡鬼今聞此聲必是鬼來取人也天將欲

睡成師扣戶而喚璪未暇得應便繞堂唱云苦哉苦哉其人了矣璪即開戶問意答云汝猶在耶吾謂昨夜鬼已害汝故此嗟耳第二

知苑

訖六

二七

日夜鬼入堂內搥壁打柱周徧東西堂內六燈璪即滅五留一。行道坐禪誦經坦然無懼於三七日中事恒如此行法將訖見一青衣童子稱讚善哉言已不見璪又因事出往會稽路由剡縣孝行村乞食主人誤煮毒蕈設璪食竟進趣前途主人於後歟此餘殘並皆吐痢若死等苦隣人見之即持藥追璪十里方及見璪快行無恙問曰何故見尋真陳上事便笑而答曰貧道無他可棄藥反蹤不須見遂以貞觀十二年卒於寺春秋八十三矣

幽州沙門知苑精練有學識隋大業中發心造石宇一切經藏以備法滅既而於幽州西山鑿巖爲石室即磨四壁而以寫經又取方石別更磨寫藏諸室內每一室滿即以石塞

門鎔鐵錮之時隋煬帝幸涿郡內史侍郎蕭  
瑀皇后弟也性篤信佛法以其事白后后施  
絹千匹瑀施絹五百匹朝野聞之爭共捨施  
故死得以成功死常以役匠既多道俗奔湊  
欲於巖前造木佛堂并食堂寐室而念木瓦  
難辦恐繁經費未能起作忽一夜暴雨雷電

震山明日既晴乃見山下有大木松栢數千  
萬爲水所漂積於道次道俗驚駭不知來處  
於是遠近歡服死乃使匠擇取其木餘皆分  
與邑里邑里喜愧而助造堂宇頃之畢成如  
其志焉死所造石經已滿七室以貞觀十三  
年卒弟子猶繼其功焉

### 大志

僧大志會稽顧氏子發蒙出家師事天台智  
者智者見其形神洒落高放物表取名大志。

誦法華經索然閑靜音聲清轉聽者忘疲後  
於廬山甘露行頭陀行有時投身猛獸彼皆  
避去食粒若盡惟以餅果繼命而已如是七  
載禪誦不休晚住持福林寺會大業中屏除  
佛教慨大法陵遲遂身著孝衣於佛堂中勸  
哭三日誓捨形骸申明正教即往東都上表  
曰願陛下興隆三寶貧道當然一臂於嵩岳  
用報國恩帝許之遂設大齋七衆通集師絕  
糧三日登大棚中布裹其臂灌之以蠟如炬  
燃之光照巖岫晃然大明衆見苦行痛入心  
髓而志形色不變或誦經文或讚佛德或爲  
衆說法聲聲不絕燒已下棚跏趺入定七日  
而卒

### 智聰

僧智聰住揚州白馬寺專習三論尋渡江住

安樂寺值隋國亡思歸無計。隱江荻中誦法華經七日不飢。恒有四虎馴繞。聰曰。吾已十日不食。命在呼吸。間卿可食之虎作人語曰。造立天地無有此理。忽見一老翁腋下挾一小船來。曰。師欲渡江即上船。其四虎見而淚出。聰曰。持危<sup>故六</sup>拔難。正在今日。即同四虎利涉南岸。船及老人忽然不見。聰領四虎止棲霞塔西。徑行禪誦。誓不寢卧。安衆八十餘人。若有凶事。虎來大吼。由此警覺。貞觀中年九十九。於佛生日熏爐徧禮聖像。還歸靜室。端坐而化。

善道

善道法師。臨淄人。入大藏信手探卷。得觀無量壽佛經。乃專心念佛。以修十六妙觀。及住廬山。觀遠公遺躅。豁然增思。後遁跡終南。修

般舟三昧。數載睹寶閣瑤池。宛然在目。復往晉陽從綽禪師授無量壽經。入定七日。綽請觀所生處道報曰。師當懺悔三罪。方可往生。師喜安佛像在簷牖下。自處深房。此一罪也。當於佛前懺。又常役使出家人。此二罪也。當於四方僧前懺。又因造屋多損蟲命。此三罪也。當於一切衆生前懺。綽靜思往咎。洗心悔謝。久之道因定出。謂綽曰。師罪滅矣。後有白光來照之時。是往生相也。道行化京師。歸者如市。忽微疾。即掩室怡然念佛而逝。異香天樂向西而隱。

神僧傳卷第五